

## VALJÄLUVÄTTÄLLÄM NJUOLGIMLATTIMRAVVUUH

Sämitiggeest adelum laavâ 26 § mielđ olmooš, kote uáiná, et sun lii vuoigâdnuodâittáá kuodđum meddâl valjäluvättälmist teikâ sunjin kyeskee merkkim valjäluvättälmist lii puástud, puáhtá kirjälávt vaattâđ valjälävdikoddeest njuolgim.

Vátámâš valjäluvättälläm njuolgiimân kalga toohâđ majemustáá 14 peeivi valjäluvättälläm uáinimnáálátolâmân kyeskee ääigi nuhâmist áđai **majemustáá 12.4.2019 ovdil tijme 16.00.**

### Njuolgimvátámâščáállusist kalga almottid

- njuolgim vättee ulmuu nommâ
- postâcujottâs já puhelinnummeer, moid áášán kyeskee almottâsâid vátámâš tahhei puáhtá toimättid
- miärádâs, moos váttoo njuolgim
- moi soojij miärádâsân váttoo njuolgim
- moh nubástusah miärádâsân váttojuh porgâđ
- aagah, moiguin njuolgim váttoo

Jis njuolgimvátámâš tahhee sänivääldi kiävttá suu lavälâš ovdâsteijee teikâ suu äššialmai teikâ jis njuolgimvátámâš tahhen lii kiinii eres olmooš, kalga njuolgimvátámâšast almottid meiddei suu noomâ já päikkikielđä.

Njuolgim vättee, suu lavälâš ovdâsteijee teikâ äššialmai kalga vuáláčääliđ njuolgimvátámâščáállus.

Njuolgimvátámâščáállusân kalga lahted

- **väldikirje**, jis njuolgimvátámâš tahhee ij jieš vuáláčääli njuolgimvátámâščáállus já jis äššialmai ij lah äššivyeijee teikâ almos riehti-išedeijee
- **äššikirjeh, moid njuolgim tahhee kiäsá vátámâšâs toorjân**, jis toh iä lah jo ovdeláá toimâttum valjälävdikoodán.

Njuolgimvátámâščáállus puáhtá vátámâš tahhee jieš teikâ suu völdásmitem äššialmai vuolgättid Sämitige valjälävdikoodán poostâ mielđ, šledgâpostáin teikâ luovättid tom persovnlávt / sänituálvoo pehti. Poostân njuolgimvátámâščáállus kalga kyedđid nuuvt puorijn aagijn, et tot kiergân valjälävdikoodán ovdil pajeláá mainâšum meriääigi nuuhâm.

### Sämitige valjälävdikodde

Sajos, Menesjärventie 2  
99870 Inari – Aanaar

Puhelin 010 839 3127, 010 839 3120  
[vaalit@samediggi.fi](mailto:vaalit@samediggi.fi)